

Me niŋdi Hibulu metamdok mede youyemguk

Yodakale Mede

Pepa yoŋ adi metam kayoŋbop niŋ adi nadisukilitihik gweheyeune kadakane tigiŋ doktiŋa yehitubulodaan pepa i youyemiŋa yehitubukilitigiŋ. Pepa yendi Bepaŋ ne'walaŋ saŋiniŋ eŋ titiŋ Jesu maaneŋ tiulidokoŋ kameune fooŋ kwanai dedinŋ tuguk uku yohautalak. Ala pepa yendok maaneŋ nemek wapmuhi lufomkultiniŋ (3) yohautalak.

1. Jesu adi aŋelo hekibe, be Moses, be polofete heki koom hatigiŋ u yalakamedapmaanŋ loloŋnit hatibekdok yoŋa Bepaŋ negoŋ nindapmaguk. Maŋgoŋde Jesu adi Bepaŋ ne'walaŋ mihiŋiŋ hinek, kunumneniŋ foguk, fooŋ metamdi kedeba-utumba tineŋdok yoŋa malabumuŋ eŋ folofigita gineŋ loguk.
2. Bepaŋ negoŋ mihiŋiŋ Jesudi Siloŋyot Foloŋ Hinek diniŋ Talitimeŋ Wapum hatibekdok nindapmaguk.
3. Jesu adi metam nediyeŋ adi nadisukilitimiŋiŋ u yanagitdok adi saŋiniŋ wapum halimilak, maŋgoŋde adi yadi Siloŋyot diniŋ Talitimeŋ Wapum foloŋ hinek hatilak.

Moses'walaŋ Yodoko Mede keleenŋ titiŋ noli tigiŋ woŋ adi nemek Jesu'walaŋkade maŋgoŋ mintawaak wendiniŋ woliniŋ hogok, ala foloŋ e Jesu ne foloŋ mintaguk. Unduŋ doktiŋa gawaŋbop pepa i youyemgiŋ adi maanŋ nadisukiliti gineŋ fafaŋeenŋ hatibune naihk dapmawaak. Adi malabumuŋ be folofigita u be u mintayembune daudiwe Jesu'walaŋkade hogok tiŋa fafaŋeenŋ yakaneenŋ.

Bepaŋ adi mihiŋiŋdi nemenemek hogohogok molom titiŋdok nindapmaguk

1 ¹Biyagoŋ hinek kuyoŋ, Bepaŋ adi koomkwaha medeŋiŋ polofet heki yenimbune adibo mamaŋ-papaŋ heki nai fee mede talii mebimebi gineŋ hati yeniŋtalabulune ²mindaŋ nai dapmawe tulune uŋaniŋgoŋ hinek, mihiŋiŋ nimbune mede niniŋguk. Mihiŋiŋ ne yadi nemenemek

hogohogok wondiniḡ molom hatidok nindapmaguk. Biyagoḡ kuyoḡ, adi nehigoḡ nemenemek yehitubu-mintagumuk. ³Kaḡ Bepaḡ ne'walaḡ saḡiniḡ be hautaḡiḡ diniḡ folooḡ mihiḡiḡ foloḡ hatak, eḡ Bepaḡ ne hatilak wendok tuwolit hinek hatilak doktiḡa medeḡiḡ saḡiniḡnitdi nemenemek hogohogok kasop fafaḡeniḡ ulihikilitiune hatak. Tiḡa adigoḡ kadakaniḡ diniḡ geḡgeḡ youtewalanda-dapmaḡaḡ loguk, wahiḡ Mapme Wapum loloḡnit hinek adi'walaḡ kohoḡ didimeniḡneḡkade itak. ⁴Aḡelo heki yalakapme-dapmaguk hatilak, tiḡa undugoḡ wougigit loloḡnit hinek kahileguk wondi aḡelo heki'walaḡ wohigigit yalakapmedapmaḡaḡ tilak.

Bepaḡ mihiḡiḡ adi aḡelo heki yalakapmedapmaḡaḡ loloḡnit hinek tilak

⁵Bepaḡ adi aḡelo niḡ mede indiḡ nemu niḡguk,

“Du biyagoḡ hinek na'walaḡ mihiḡe.

Nu kamiḡ tububihila du'walaḡ baha tilat.”

Be aḡelo niḡdok indiḡ nemu yoguk,

“Nu adi'walaḡ beu tiḡa hatiluwaat.

Kaḡ adi nu'walaḡ mihiḡe tiḡa hatiluwaak.”

⁶Eḡ niḡ adi kougoḡ hatigene tuwo biyeniḡ kwetfoloḡ kameune foguk wondok mede indiḡ yoguk,

“Bepaḡ'walaḡ aḡelo heki adi wanakaḡ hogohogok mulelem timiḡa welehikdi niutumbaneḡ.”

⁷Aḡelo hekidok indiḡ yoḡit:

“Adi aḡeloḡiye nadiyembune sububa wele mintaiḡ eḡ

tipilapilayeḡiye nadiyembune kudupmebem wele mintaiḡ.”

⁸Mihiḡiḡdok adi indiḡ yoḡit.

“Bepaḡ, du mapme hatihatigedi fafaḡeniḡ haliwooḡ halaak, eḡ titiḡ didimeniḡ foloḡ hogok metamgeye yabudokoluwaḡaḡ. ⁹Du yadi titiḡ didimeniḡdok momooḡ yolaḡ eḡ hogolidok adi nadiune tuwot mu tilak. Unduḡ doktiḡa Bepaḡ, da'walaḡ Bepaḡdi welemomooḡ diniḡ wel munduḡ momooḡnitdi gomganguk, uyadi nokeye'walaḡ tuwolit u kalakapmedapmaḡaḡ hinek gomganguk.”

¹⁰Niḡ indiḡ yoḡit,

“Wapum, du mebineḡ tububihila kwet wapum diniḡ daḡiniḡ kameguḡ. Eḡ kunum tiḡa nemenemek kunum gineḡ ikiḡiḡ adi du'walaḡ kohokudi. ¹¹Adi yadi liwe tineḡ, eḡ da yadi fafaḡeniḡ hatiḡa wooḡ hatiluwaḡaḡ. Adi yadi dahidahi dabugoḡ buba tineḡ.

¹²Undiniḡ tubune da yehililiwenekudapmaḡaḡ folonamandap gitipmuḡ yehitubu-mintawaḡaḡ. Da yadi hatilaḡ undiniḡgoḡ hatiluwaḡaḡ eḡ gulet naige nemu dapmawaak.”

¹³Bepaḡ adi aḡelo niḡ indiḡ nemu niḡguk,

“Buḡa kohone didimeniḡneḡkade itune memikgeye yehimooḡgofowe kayogedi yehiyalitifowaḡaḡ.”

¹⁴ Aŋelo hogohogok adi yadi tipilapilaye kwanai titiŋdok yapmeguk, ala meeniŋ hatihati momooŋ kahileneeŋ adi yehitubu-lodadok kwetkwet yeniŋkuliŋit.

Mede Momooŋ nihitubu-lodadok uyadi nadihinaka titiŋdok

2 ¹ Unduŋ doktiŋa indi Mede Momooŋ nadigumun wondok nadinadiŋale gigne tiŋa uŋakoŋ nadikahile tineem, unduŋ tiŋa mu gweheyeŋ maneem. ² Judahi'walaŋ Yodoko Mede aŋelo hekidi yohautagiŋ uyadi fafaŋeŋ hakuk doktiŋa mede u lahukiŋ be mede u wobugiŋ adi yadi kibikoŋ wondok tuwolit begiŋ. ³ Unduŋ doktiŋa nihitutumbadok Mede Momooŋ loloŋnit i nadigweheye tineem adi wondok kibikoŋ didimeniŋ hinek beneem. Uyadi Wapum negoŋ koom yobihikuk, kaŋ magihikdi hinek nadiŋiŋ adi yofafaŋeune nadinene biyagoŋ hinek tuguk. ⁴ Kaŋ Bepaŋ nebo saŋiniŋ eŋ ne'walaŋ kudiŋiŋ tiŋa kasop ulihiguk. Tiŋa nadihebet halimilak u takaliŋa Uŋgoŋiŋ Munabuli diniŋ siloŋ daneŋ molomolom nimguk.

Jesu adi nai muniniŋ-kabe aŋelo heki'walaŋ hebehik foloŋ hatiguk

⁵ Biyagoŋ kuyoŋ, hatihati kobuli diniŋ yokwet kougoŋ mintawaak wendok medeŋiŋ nadiyam, uyadi Bepaŋdi aŋelo hekiyeŋ kadokodok mu yoguk. ⁶ Uyadi Bepaŋ'walaŋ kwanai-me niŋdi indiŋ yohautaguk hatak, "Me indi dediniŋgoŋ hinek doktiŋa inditok nadinimulaŋ? Indi maŋgoŋ biyagoŋ doktiŋa du momooŋ hinek nibudokolaŋ? ⁷ Du nai muniniŋ-kabe aŋelo heki'walaŋ hebehik foloŋ fofoŋhinit nipmeguŋ. Tiŋa ninintiŋaloŋ wotnenikgigit loloŋnit nimguŋ. ⁸ Du nemenemek hogohogok u yehitubumintaŋ yabudokodok ninindapmaguŋ."

Adi "nemenemek hogohogok yabudokodok" youkuk, uyadi dane mu tiŋa kunilit yodapmaguk. Ingoŋ nai indidegoŋ adi folooŋ mu kayam. ⁹ Jesu adigili kayam, adi nai muniniŋ-kabe aŋelo heki'walaŋ hebehik foloŋ hatiŋa kumuŋ diniŋ folofigita nadiguk doktiŋa Bepaŋdi nintiloŋ hauta eŋ wougigit miŋguk hatilak. Adi Bepaŋdi siloŋ tobogoŋ tinimdok yobune biyagoŋ hinek kwetfoloŋ meeniŋ hogohogok inditok kumuŋguk.

Jesu adi noliŋiye ninidok nadibedi mu tilak

¹⁰ Nemenemek hogohogok tubumintaguk eŋ wondiniŋ molom adi yadi wapmihiŋiye feedi hauta momooŋ gineŋ hatidok nadiŋa tubulodanik datnik biyeŋiŋ adi folofigita naditauyeŋ fek foloŋgoŋ usuwadok nindapmaguk. Bepaŋ adi unduŋ tubune tuwot hinek tuguk. ¹¹ Unduŋ doktiŋa welehik youtewalanda kwanai tilak nebe, be walanda tiŋiŋ adi yadi behik kubugoŋ, ale notneye yenindok nadibedi mu tilak. ¹² Biyagoŋ hinek, medeŋiŋ indiŋ hatak.

“Nu du’walaŋ wohoge notneye yenihautawit. Kayoŋbop fee
lekiŋgoŋhik gineŋ ganiutumbawit.”

13 Tiŋa niŋ indinŋ,

“Nu adi foloŋ ulodiŋa hatiluwaat.”

Tiŋa niŋ indinŋ yoguk,

“Yoŋ adi na eŋ wapmihi Bepaŋdi namuŋguk wanaŋ hatiyam.”

Jesu adi indi nihitubu-lodadok siginŋ gitnemnit hinek mintaguk

14 Wapmihidok yoguk woŋ adi kwetfoloŋ metam inditok nadiŋa yoguk. Ala indinŋ nadinim. Wapmihi adi meeniŋ hinek doktiŋa adi maanŋ undugoŋ tuguk. Biyagoŋ hinek kuyoŋ, uyadi ne’walaŋ kumuŋŋinŋdi kumuŋ molom Sadaŋ ula saŋiniŋinŋ ulatifodapmaguk. 15 Tiŋa indinŋ maanŋ nadinim, kumuŋdok muntadi yehitehiune wondiniŋ folok gineŋ hakinŋ adi maanŋ fiyakuyemdok nadiŋa unduŋ tuguk. 16 Uyadi aŋelo heki mu yehitubu-lodalak, adi yadi Abalaham’walaŋ yalakinŋiye indi-ku nihitubu-lodalak oŋ. 17 Biyagoŋ hinek, unduŋ degoŋ tiŋa kwayaŋye indut foloonik be nadinadinik be welenik kiutnene kubugoŋ titiŋdok nindapmaguk, talik noli nimaanŋ nemu hakuk. Biyagoŋ kuyoŋ, uyadi siloŋ kwanai diniŋ talitimenŋ wapumdi kulemaŋgoŋ Bepaŋ’walaŋ hebeŋ foloŋ kwanai tubune metam indi’walaŋ yomnik youtewalandakutdok mintaguk hatilak. 18 Adi ne tikamanda eŋ folofigita mintamimbune kakiyondaanŋ kelekuŋfakuk doktiŋa meeniŋ indibo tikamanda eŋ folofigita mintamimbune kedem nihitubu-lodalak.

Jesudi Moses kalakapmeenŋ lolonŋnit tilak

3 1 Ala notneye, hidi maanŋ Jesu nadisukilitimimbune kunumdok gigit haniŋit, hidi yadi Aposeŋ eŋ siloŋ kwanai diniŋ Talitimenŋ Wapumnik, Jesu aditok nadinadinŋila hatiyaneenŋ. 2 Adi yadi kwanai molom’walaŋ mede tiloloŋ mohinek tuluguk. Biyagoŋ kuyoŋ, Mosesdi Bepaŋ’walaŋ yolineŋ hatiguk wendok tuwolit hatiguk. 3 Me yot malak ne’walaŋ woudi loune yot diniŋ woudi folak, undugoŋ Jesu’walaŋ woudi Moses’walaŋ kalakapmelak. 4 Yot hogohogok adi yotmamaŋ menit, ale nemenemek hogohogok mintaguk adi molom Bepaŋ.

5 Moses adi Bepaŋ’walaŋ yopmaŋ hatinŋila mede tiloloŋ kwanai tuguk, uyadi mede mindaŋ mintawaak wendok gigitmede yodok tipilapilaye kwanai-me hatiguk. 6 Kilisto ne adi Bepaŋ mihinŋinŋ momooŋ hinekdi mede tiloloŋ folooŋ hinek tuguk doktiŋa yot molom hatilak. Yoli adi indikuyoŋ. Tiŋa uyadi hogok moŋ, nemek inditok gigit yoŋit wondok nadikwambundaanŋ nadikunakunale tiŋa hatinene nihitutumbadapmaune Bepaŋ’walaŋ yoli biyagoŋ hatiyam unduŋ yodok.

Isilae metam noli welekwambuŋ tiginŋ, indi unduŋ mu tiyaneem

7 Unduŋ doktiŋa Uŋgoŋinŋ Munabulidi mede indinŋ yoguk u inditok mebit tilak.

“Hidi kamiŋ Bepaŋhik nu’walaŋ medene nobu nadiŋa kaŋ ⁸koom mamahi-papahiye kwet fiileŋ welekwambuŋ tiŋa foko eŋ mede wobu tinamgiŋ unduŋ mu taneen. ⁹Mamahi-papahiye adi uŋoŋ gulet 40 wendok maanenŋ kudi wapuhi wapuhi aganŋ tibe yabugiŋ iŋgoŋ nadikabeleenŋ nalamut tigiŋ. ¹⁰Kaŋ nu wondoktiŋa metam u yabuŋa nadikadakaanŋ indiŋ yogut, ‘Adi yadi helemahелеman welehikdi nadigiyonda tiŋ. Adi yadi nu’walaŋ talik sigilulum timiŋa nu’walaŋ Yodoko Mede nadikabele tiŋ.’ ¹¹Unduŋ doktiŋa kisaŋ hinek nadikadakayemiŋa mede indiŋ aganŋ yofafanŋe tugut, ‘Biyagoŋ hinek, nu hatikule kwet haamdok yofafanŋegutneŋ uŋoŋ tuwot mu usuwaneenŋ hinek.’”

¹²Ale notneye, tiyaugene hidi’walaaniŋ me niŋdi kadakaniiŋŋiŋ mu yofiyale weleŋ mu tubutakaleenŋ Bepaŋ hatihati molom sigilulum timimbaakneŋ ala kikadoko tiŋa hatiyaneenŋ. ¹³Tiŋa hidi indiŋ nadiŋa helemahелеman kiulih tiyaneenŋ. Melenai kamiŋ yoŋ adi Bepaŋ’walaŋ siloŋ tobogoŋ diniŋ nai. Unduŋ nadiune kadakaniiŋ diniŋ yalaŋdi hidi’walaaniŋ niŋ welekwambuŋ mu tubumintamimbaak.

Indi Isilaehi metamdi tigiŋ unduŋ mu tiyaneem

¹⁴Indiŋ hinek nadinim, indi Kilisto’walaŋ Mede Momoonŋ molomolom moŋgo hatihati uyadi aganŋ tububihila nadisukilitigumun uŋakoŋ didimeniŋgoŋ nadikwambundaanŋ hatineem wondi folooŋ hinek tibaak. ¹⁵Mede indiŋ hatak,

“Hidi kamiŋ Bepaŋhik nu’walaŋ medene nobu nadiŋa kaŋ koom mamahi-papahiye kwet fiileŋ welekwambuŋ tiŋa foko eŋ mede wobu tinamgiŋ unduŋ mu taneen.”

¹⁶Nediyeŋ medeniŋ nadikabeleenŋ sigilulum timiŋgiŋ? Uyadi niŋkadehidi moŋ, uyadi Mosesdi talitimeŋ tiyembune Isip kwet biŋa bugiŋ adi hogohogok kuyeŋ tigiŋ. ¹⁷Be neditok Bepaŋdi nadikadakaune gulet 40 dapmaguk? Biyagoŋ kuyoŋ, uyadi kadakaniiŋ tiŋa kwet fiileŋ kumuŋgiŋ aditok tuguk. ¹⁸Tiŋa indiŋ neditok yofafanŋeguk? “Nu’walaŋ hatikule kwetneŋ mu hinehinek foneenŋ.” Uyadi adi’walaŋ mede wobu tigiŋ hekidok yoguk. ¹⁹Unduŋ doktiŋa indiŋ kayam, adi yadi nadisukiliti mu tigiŋ doktiŋa hatikule kwet mu kahilegiŋ.

Bepaŋ’walaŋ hatikule kwetneŋ fofonŋdok mede

4 ¹Adi’walaŋ hatikule kwet kahiledok niniŋit, gigitmede uyadi mu uyakukuk, unduŋ doktiŋa hidi’walaaniŋ niŋdi talipmeŋ filaakneŋ ala nadinadiŋila hatiyaneenŋ. ²Bepaŋ’walaŋ Mede Momoonŋ u adi yeniŋit uŋakoŋ indi maanŋ niniŋit. Iŋgoŋ oŋ, adi yadi mede u nadiŋa welehik gineŋ mu nadidahina nadisukilitigiŋ doktiŋa adi’walaŋkade folooŋnit mokit tuguk. ³Indi adi nadisukiliti hatnimilak doktiŋa folooŋ kahileyam.

Biyagon kuyon, Bepanji koomkwaha kunumkwet tubumintadapmaune kwanainij dapmaguk. Ingon on, Isilae metamdok indij yoguk,

“Nu kwihita tiyemiņa yokwambundaan yogut, ‘Biyagon hinek, adi yadi nu’walaņ hatikule kwetneņ mu hinehinek foneeņ.’”

⁴Bepan’walaņ kwanainij wendok Youkudip Mede gineņ indij youkiņ, “Bepan adi nemenemek tubumintadapmaan melenai 7 foloņ hatikule tuguk.” ⁵Kaņ mede wahiņ kamun adi indij yoguk, “Adi yadi nu’walaņ hatikule kwetneņ mu hinehinek foneeņ.”

⁶Mede wendok adi indij nadinim. Meeniņ nolidi hatikule kwet maaneņ fooņ hatikule tineeņ. Eņ timentimeņ uuņdok gigit momooņ yeninguk adi mede wobu tigiņ doktiņa hatikule kwetneņ mu fogiņ. ⁷Unduņ doktiņa Bepan adi kotigoņ ninihamanewe nadiņa nai gitipmuņ niņ yokwambundaan indij yoguk, “kamiņ”. Unduņ yoguk wendoktiņa Dewit’walaņ maņiņ gineņ mede kameune indij yoguk, Hidi kamiņ medene nobu nadiņa kaņ welekwambuņ mu taneeņ.

⁸Josuwadi hatikule yokwet folooņ tubumintayembe tuguk binek adi Bepanji nai kougoņ nimaandok mu yobe tuguk. ⁹Unduņ doktiņa indij nadiyaneem. Bepan metamņiye’walaņ hatikuledok nai Sabat niņ hatak. ¹⁰Bepanji kwanai tubudapmaan hatikuleguk, undugoņ meeniņ niņ adi ne’walaņ kwanai tubudapmaan Bepan’walaņ hatikule yokwet kahilewaak. ¹¹Unduņ doktiņa indi’walaaniņ nebek niņdi gweheye tiņa meeniņ koom mede wobu tiņa tigiņ talik uņakoņ takaliwaakneņ ala, indi adi hatikule kwet u fafaņe tiņa kahileneem.

Bepan’walaņ mede diniņ mebi

¹²Bepan’walaņ mede adi kaipmuņ hatak, eņ kwanai fafaņe tiņa tilak, miknoņ maņiņ fukufukuņ imikimikiyenit, ala miknoņ wendok tuwot moņ, uyadi mikit hinek. Wendi meeniņ fuliņgoņ hinek youtomuņa fooņ welenik eņ munabulinik, muņ eņ kitili diniņ gibibem kitomboyout tamukneņ hinek, uņgoņ fosuwaan tomboyouthik foloņgoņ dobulopmadilak. Unduņ tiņa welenik diniņ nadisu eņ nadisuņa nadidakale diniņ mebihik miņgoņ yobihila yodapmalak. ¹³Unduņ doktiņa nemek niņ tubuminta tiņtidi Bepan’walaņ namanda foloņ hebihat mu tilak, adi’walaņ namanda foloņ adi nemenemek hogohogok miņgoņ eņ yawenit mokit hadapmalak. Biyagon kuyon, adi namanda foloņ titiņnik hogohogok diniņ mebi yoneem.

Jesu adi siloņyot kwanai diniņ Talitimeņ Wapum hinek hatnimilak

¹⁴Siloņ kwanai diniņ Talitimeņ Wapum hinek niņ hatinimlak adi yadi kunum maaneņ hinek Bepan ne hatilakneņ uņgoņ losuwaguk hatilak adi yadi Jesu, Bepan’walaņ mihiņiņ hinek. Ala adi nadisukilitimiyam u miņgilangoņ yohautayaneem. ¹⁵Tiņa indi’walaņ siloņ kwanai diniņ

Talitimen Wapum adi gweheye tinene nibukabele tiņa mu binibilak. Indi'walaņkade tikamanda mintalak undiningoņ adi maañ tikamanda mebimebi mintaminguk, ingoņ tikamanda gineņ gweheyeen kadakanij mu tuguk. ¹⁶Unduņ doktiņa indi siloņ tobogoņ molom adi'walaņ mapme pop hebeņ foloņ welenikdi nadiloda tiņa nadibedinit mokit waneem. Kaņ kadakanij be malabumuņ niņdi nihitubu-dulalune nibuņa welekulemaņijde siloņ tobogoņ tinimiņa nihitubu-lodaluwaak.

**Bepaņdi Jesu siloņ kwanai diniņ Talitimen
Wapum hatidok nindapmaguk**

5 ¹Kwetfoloņme indi'walaņ lekiņgoņnik foloņ Siloņyot diniņ talitimen wapuhi yapmegiņ adi hogohogok adi meeniņ'walaņ yom doktiņa Bepaņ dumuņ hemiņdok yapmegiņ. ²Siloņyot diniņ talitimen undiniņ adi ne me gweheyeen hatilak doktiņa meeniņ nadidakale hinek mu tiij be gweheyehi tikamanda gineņ maiņ adi kedem kulemaņoņ yenindidimeeņ yanagitak. ³Ala mebi unduņ doktiņa meeniņ noli'walaņ yom doktiņa eņ ne'walaņ yomdok maañ dumuņ hemindok yoņit. ⁴Kwanai kakaañ undiniņ adi me niņdi ne nadigoņ tiņa titiņdok tuwot moņ. Siloņyot diniņ talitimen wapum niņ adi Bepaņ negoņ kadakaleeņ kwanai mimbune kedem tibek. Alon adi undugoņ timiņguk. ⁵Kaņ Kilisto adi maañ undugoņ netok nadiune loloņnit tubune siloņ kwanai diniņ Talitimen Wapum mu tuguk. Uyadi Bepaņdi indij yoņa miņguk,

“Du biyagoņ hinek na'walaņ mihine.

Nu kamiņ tububihila du'walaņ baha tilat.”

⁶Tiņa mede niņ indij yoguk,

“Du Melikisedekdok tuwolit

Siloņ kwanai diniņ talitimen hatifafaņewaañ.”

⁷Jesu adi kwetfoloņ hatiguk nai uņaņiņ Bepaņdi tubulodaune mu kumundok nadiņa kobulabulaye wapum tiņa ninadiguk. Unduņ tiņa Bepaņdok nadiune loune gikiņgoņ timiņguk doktiņa nadimiņguk. ⁸Adi Bepaņ mihiniņ hatiguk iņgoņ fiit folofigita nadiguk wondi tubulodaune mede tiloloņ diniņ mebi naditomguk. ⁹Tiņa nemenemek tubudapmaañ Jesu ne hatihati fafaņeniņ diniņ talik yeme tuguk. Unduņ tiņa metam mede tiloloņ timiij hogohogok aditok hatihati fafaņeniņ diniņ talik dilitomyemulak. ¹⁰Biyagoņ kuyoņ, adigoņ hinek siloņ kwanai diniņ Talitimen Wapum tiņa Melikisedekdi hatiguk wondok tuwolit hatidok Bepaņdi nindapmaguk.

Welenik wapmihi'walaņ nabugoņ mu behatidok

¹¹Wendiniņ medeņiņ fee hatak, iņgoņ hidi nadilakata tiij doktiņa hanindidimedok nadiwene malabudalak. ¹²Hidi Bepaņ'walaņ Mede Momooņ koomkwaha nadigiņ ale hidibo meeniņ noli yeniyehitubu-

didime tubune tuwot tibek oŋ. Kaŋ hidi yadi tobo Bepaŋ'walaŋ mede agaŋ miŋgoŋ hatak u kotigoŋ haniŋdok undiniŋ tiŋ. Hidi yadi nanaje fafaŋeniŋ nanaŋdok tuwot mu tiŋ, hidi yadi nom nanaŋdok undiniŋ hatiŋ. ¹³Nom naiŋ adi wapmihi-kabe yenindok, undihiyen mede folooŋ deti nadidakalenen? ¹⁴Nanaje fafaŋeniŋ adi meeniŋ wapuhidi nanaŋdok. Kwanai tige tige welehiŋdi nadidakaleen fofoŋ be kadakanin diniŋ mebi naditomiŋ, aditok hogok.

Bepaŋ bikabuhinakaŋ wele tubutakale titiŋdok talik mu hatak

6 ¹Unduŋ doktiŋa indi Kilisto'walaŋ mede fuliŋgoŋ be folooŋ hinek yoyaneem. Mede koom ninindidimegin u hogok adi mu hatiyoyaneem. Unduŋ hogok nobu hatitiam kaŋ woŋ adi nai fee yot taka hogok hati-wenedahiyam, en yot folooŋ adi mu mataloyam. Unduŋ doktiŋa indi mede kumaŋkade i halifolak indihidok adi wapumgoŋ mu tomboyoula yoyaneem. Mede indih: wele tubutakale tiŋa titiŋ komihi biŋa Bepaŋ nadisukilitidok mede, ²en tali mebimebi gineŋ Imeyout titiŋ, be kohohik meeniŋ kihik foloŋ boiboi, tiŋa undugoŋ me agaŋ kumuŋgin hekidi kaikaŋ pilatneen diniŋ mede, en Bepaŋ'walaŋ mede yodapmandapmaŋ nai wapum foloŋ ninindapmaune hatihati momooŋ kahileneem, be kibikoŋnikdok tuwaŋin dapmandapmaŋnit mokit kahileneem. ³Unduŋ doktiŋa indi mede indihidok feegoŋ mu tomboyoula hati-yoyaneem. Indi yadi Kilisto'walaŋ mede fuliŋgoŋ en folooŋ hinek yoyaneem. Bepaŋdi unduŋ titiŋdok kedem yobune nadiŋa taneem.

⁴Meeniŋ Mede Momooŋdi welehiŋ tubuhautaune kunum gineniŋ titiŋ agaŋ tiŋa kagin en Uŋgoŋin Munabuli dut agaŋ hati-kagin, ⁵tiŋa Bepaŋ'walaŋ Mede Momooŋ en hatihati fafaŋeniŋ diniŋ saŋiniŋ wendok nadigalika tigin, iŋgoŋ mu kahilegin, ⁶meeniŋ undihidi Mede Momooŋ wabihinaka tiŋa Bepaŋ'walaŋ Mihi u nehibo kotigoŋ koloŋdabek foloŋ ukiŋ. Unduŋ tiŋa Jesu tubumeka tiŋa nemek mutitiŋ u tubune Mede Momooŋ gineŋ kotigoŋ yanagitdok talik nemu hatak. ⁷Kwet niŋ adi gwidi helemahemaŋ ulaŋa tubukulemaune, meeniŋ diniyeti tiŋ adi'walaŋ nanaje en yuwoi yuwoi tubumintayemilak, uyadi Bepaŋ'walaŋ wahu kahaŋ diniŋ folooŋ mintalak. ⁸En kwet noli gineŋ kilihikit moiniŋ hogok labiŋ, wadi agaŋ folooŋnit mokit tilak doktiŋa hakinit tilak, ala kougoŋ hatigene kudupdi dawaak.

Hatihati momooŋ kahiledok gigne taneen

⁹Notneye momohi, nu mede yolat yoŋ adi hidi kadaka tineen unduŋ nadiŋa moŋ. Mede Momooŋ gineŋ kedebahinakaneen, unduŋ nadiŋa yolat. ¹⁰Bepaŋ adi fukuŋgoŋ fukuŋgoŋ mu tilak, hidi aditogoŋ tiŋa Jesu'walaŋ metampiye yabuŋa yehitubu-lodaŋ siloŋ tiyemgin en indidegoŋ maŋ tiyemiŋ doktiŋa Bepaŋ adi dedin tiŋa hiditok kaulewek.

¹¹Hidi yadi indin taneen. Hidi wanakan hogohogok titin kubugon tija fafaje hinek taneen, ej kunum dinin hatihati momoon tiulidokohamunjt u kahiledok nadisukiliti ej nadikunakunale tiin u mu biune fowaak, undugon hatune nai dapmawaak. ¹²Tija gweheye bilakene mu taneen, adi tobo meenin nadisukiliti ej nadikulemanit hatigene nemek gigit nininjt kahileinjt adi'walaŋ kayon talik keleneen.

Bepaŋ'walaŋ hebeŋ foloŋ uunŋdok Jesudi Talitimenj tinimguk

¹³Ala adi'walaanin nj Abalaham adi Bepaŋdi gigitmede nija loloŋnit nin'walaŋ wou foloŋ yokwambundadok moŋ lohikaan ne'walaŋ wou foloŋ kameen yokwambundaguk. ¹⁴Tija indin yoguk, “Biyagon kuyon, kahanj tigambe yalakigeye fee mumuyenj mintaneen.” ¹⁵Kan Abalaham adi mede yofafaje wendok nadikulema tija woom hatigehatige foloŋ tubumintaguk. ¹⁶Meeninjd me loloŋnit ninj adi'walaŋ hebeŋ foloŋ mede yofafaje tinene mede u ulatifofonŋdok tuwot mu tilak. ¹⁷Unduŋ doktija Bepaŋ adi meeninj gigit yenimbune welelufom tineeneŋ doktija welenjd nadikwambudaanj yoguk wendinij mebi tubumintaanj gigitmede yoguk wendinij sigin foloŋ yofafaje mede tomboyoukuk.

¹⁸Bepaŋ adi yalaŋ mu yolakdi mede fafajeŋhi lufom yobihila nininjkilitidok nadinja yoguk, uyadi adi'walaŋ yooŋŋinj gineŋ mindigeikumundi nemek foloŋdok gigit nininŋuk u nadikunakunale tija moŋgotdok yonja unduŋ tuguk. ¹⁹Nadikunakunale woŋ adi hatihatiniŋ dininj tubukiliti fafaŋenin^a u doko mu tilak, tija nadikunakunalenik wondi ninigilune Bepaŋ'walaŋ hebeŋ gineŋ Hatihati Unŋoninj hinek gineŋ fohinakayam. ²⁰Indin hinek mintaguk, siloŋ kwanai dininj Talitimenj Wapumnik Jesudi tububihitnimija dapmaan maaneŋ hinek foguk. Biyagon hinek kuyon, adi yadi Melikisedek hatiguk aditok tuwolit siloŋ kwanai dininj talitimenj tija hatifafanelakdi unduŋ tuguk.

Melikisedek adi Bepaŋ'walaŋ kwanai-me loloŋnit hinek

7 ¹Biyagon hinek kuyon, Melikisedek adi Selem yokwet dininj mapme ej Bepaŋ Wapum Loloŋnit adi'walaŋ siloŋ kwanai dininj talitimenj hatiguk. Adi-kuyenj Abalahamdi mapme memiknije widihikadakaanj yehikeleenj udanelune talipmenj woŋ kimindenja kahanj timinŋuk.

²Unduŋ tubune Abalahamdibo bomboŋ daneen bop 10 boinja unjanj bop kubugon aditok minŋuk.

Wou Melikisedek wondinij mebi inde'walaŋ mede foloŋ “Titin Didimeninj dininj Mapme”, ej Selemninj Mapme wondinij mebi adi “Kulema dininj Mapme”. ³Melikisedek adi minbeunit mokit. Be mamanj papaŋ ej dadanije dininj mebi dedin hatitalabuginj wendinij

^a 6:19 Gilik mede gineŋ adi muwage dininj anŋa youkinj.

kahatņij nemu nadiyam, adi'walaņ hatihati adi tububihitnit mokit eņ dapmandapmaņnit mokit. Adi yadi Bepaņ'walaņ mihijņdok tuwolit dumuņ heheņ-me dapmandapmaņnit mokit hatiguk.

**Melikisedek adi Bepaņ'walaņ siloņ kwanai diniņ
talitimeņ doktiņa siloņ moņgokuk**

⁴I kaner hanilat. Adi yadi me loloņnit hinek doktiņa dadanik Abalaham adi bomboņ kedehi hogohogok daneer bop 10 boiguk gineniņ bop kubugoņ aditok miņguk. ⁵Indiņ halibuguk, Lewi'walaņ kobuliņiyedi siloņ kwanai titiņdok yenindapmagiņ. Kaņ adibo metam noli nehi'walaņ nohiye, Abalaham diniņ yalakiņiye kungoņ fiit nanaņe bomboņhik bop 10 gineniņ kubugoņ ugamali moņgotdok Yodoko Medehik ginen yenindakalegiņ. ⁶Iņgoņ oņ, Melikisedek adi adi'walaņ yalaki gineņ mu mintagukdi Abalaham'walaaniņ bop 10 gineniņ bop kubugoņ moņgokuk. Unduņ tiņa me wahu kahaņ moņgotdok gigit ulimiņit u kahaņ timiņguk. ⁷Unduņ doktiņa me loloņnit niņdi me fofoņnit niņ kahaņ timilak u yohebi titiņdok tuwot mu tilak. ⁸Nai indidegoņ Lewi'walaņ yalakiņiye kumuņ tineeņdi bop 10 gineniņ bop kubugoņ daneer moņgokiņ, eņ nai uņaņiņ fafaņeniņ hatibaak Melikisedekdi moņgokuk. ⁹Unduņ doktiņa nu indiņ nadilat, Lewi adi bop 10 gineniņ kubugoņ moņgotakdi Abalaham diniņ yeuli hali nemek u Melikisedek miņguk. ¹⁰Diki indiņ nadidok, Lewi adi dadaniņ Abalaham'walaņ yeuli hatune Melikisedek gut kimindegumu.

Dumuņ heheņ-me koom hatigiņ adi kwanaihikdi mu didimeguk

¹¹Lewi'walaņ yalakiņiyedi Siloņyot diniņ talitimeņ kwanai tagiņ wendi tubudidime kwanai tubune didimedapmawetuguk binek adi mindaņkade siloņ kwanai diniņ talitimeņ niņ Melikisedek nabugoņ mu mintawe tuguk, eņ Alondok tuwolit moņ. Siloņyot diniņ dumuņ heheņ kwanai doktiņa Judahi Yodoko Mede yemiņit. ¹²Unduņ doktiņa dumuņ heheņ kwanai komidi wabilune kobulidi mintawaak, nai uņaņiņ Yodoko Mede maņ komidi dapmalune kobuli mintawaak. ¹³Gigitmededi me nagitak adi yadi Lewi'walaaniņ mu mintaguk. Adi yadi mebop noli, dumuņ heheņ mu tagiņ, adi'walaaniņ mintaguk. ¹⁴Wapumnik adi Juda'walaņ yalakiņiye gineniņ mintaguk, u agaņ nadidapmayam. Ala indiņ, me bop wondi Dumuņ heheņ titiņdok Mosesdi mu yoguk. ¹⁵Tiņa undugoņ wondiniņ mebi niņ indiņ dakalehinakalak. Dumuņ heheņ-me niņ Melikisedekdok tuwolit yoņit, ¹⁶adi yadi folooņnit mintaguk doktiņa Yodoko Mede kameņit wondok tuwot moņ, hatihati fafaņeniņ hatak uņoņ Dumuņ heheņ tiņa hatigukdi hatilak. ¹⁷Unduņ doktiņa aditok mede indiņ yohautaniņ,

“Dagoņ Melikisedekdok tuwolit Siloņ kwanai diniņ talitimeņ
hatifafaņeluwaņ.”

Jesu adi yofolok kobuli diniŋ kobumuŋ

¹⁸Unduŋ doktiŋa Yodoko Mede koom yoŋit wendi saŋiniŋnit mokit eŋ folooŋnit mokit tuguk doktiŋa kelekuliŋit. ¹⁹Biyagoŋ hinek, Yodoko Mededi nemek mu tubudidimedapmaguk. Unduŋ doktiŋa Bepaŋdi Yodoko Mede diniŋ kwelikoŋ gineŋ nadikunakunale folooŋ hinek tubumintanimguk. Kaŋ wendi nihitubu-lodaune Bepaŋ tubudulayam. ²⁰Kaŋ kobuli mintaguk uyadi yofafaŋe medenit mokit mu mintaguk, komihi adigili yofafaŋenit mokit Siloŋyot diniŋ talitimeŋ mintaaŋ hatigiŋ. ²¹Kobuli yeŋ adi yofafaŋe foloŋ siloŋ kwanai diniŋ Talitimeŋ tuguk hatilak. Adi'walaŋ youkudip mede indiiŋ hatak,

“Wapumdi ne wou foloŋ mede yofafaŋe tuguk u mu wabiwaak.

Dagoŋ siloŋ kwanai diniŋ talitimeŋ hatifafaŋeluwaan.”

²²Biyagoŋ kuyoŋ, mebi unduŋ doktiŋa Jesu negoŋ mede yofolok kobuli diniŋ folooŋ Bepaŋ dut nihikiukuk hatilak. Wendoktiŋa yofolok kobulidi komi kalakapmeŋ tiŋa momooŋ hinek tilak.

²³Indiiŋ hali buguk, komihi adi behiyedi kumulune mihihiyedi adi'walaŋ kayoŋkoŋ tiŋa kwanai titalabugiŋ, unduŋ doktiŋa feedi hatigiŋ.

²⁴Kaŋ kobuli adi hatihati fafaŋeniŋ hatilak doktiŋa siloŋ kwanaiŋiŋ tomboyoutnit haliwooŋ halaak fafaŋeniŋ. ²⁵Unduŋ doktiŋa adi foloŋ ulodiŋa Bepaŋ'walaŋkade wiŋiŋ adi yadi yehiyoutela yehitutumbaŋ yehitubu-kilitilak. Jesu adi hatihati fafaŋeniŋ molom hatilak doktiŋa helemahemaŋ inditok yahehewe tiŋa Bepaŋ ninadilak.

Jesu adi siloŋ kwanai diniŋ Talitimeŋ Wapum folooŋ hinek

²⁶Biyagoŋ kuyoŋ, adi yadi siloŋ kwanai diniŋ Talitimeŋ Wapumnik uŋgoŋiŋ hinek, yomnit mokit, waliniŋ, kadakaniiŋ titiiŋdi hatiiŋ unduŋ mu hatiŋa dokoniŋgoŋ eŋ didimeningoŋ hatigene kunumnehi yalakapmedapmaaŋ loguk hatilak. Undiniŋ kuyeŋ hatinimbune tuwot hinek tilak. ²⁷Adi yadi siloŋ kwanai diniŋ talitimeŋ komihi undiniŋ moŋ, adi yomnit mokitdi maŋgande helemahemaŋ timeŋ netok yomdok dumuŋ heeŋ mindaŋ meeniŋdok hewek? Biyagoŋ kuyoŋ, adi ne'walaŋ welen eŋ folooŋdi nai kubugoŋ siloŋ tubune dapmaguk. ²⁸Yodoko Mede nai gineŋ adi meeniŋ nadinadihik gweheyehidi Siloŋyot diniŋ talitimeŋ wapuhi hatidok yoŋit. Kaŋ mindaŋ adi Yodoko Mede sigineŋ mede yokwambunda fafaŋeniŋdi Bepaŋ Mihiiŋiŋ nindapmaguk. Biyagoŋ hinek kuyoŋ, adi kubugoŋdi walaŋiŋ hatiŋa wooŋ hatibaak fafaŋeniŋ.

Jesu adi Siloŋ kwanai diniŋ talitimeŋ wapum kunum gineŋ hatilak

8 ¹Mede yotafomun wondiniŋ folooŋ hinek adi indiiŋ. Siloŋ kwanai diniŋ Talitimeŋ Wapumnik adi yadi wahiŋ kunum foloŋ Bepaŋ loloŋnit adi'walaŋ mapme pop tehindilendileŋnit itakneŋ looŋ

fukuniŋ kohon didimeniŋnenkade itak. ²Adi yadi Silonyot Uŋgoniŋ, Silonyot Foloon hinek gineŋ uŋon Silon kwanai talitimeŋ foloon hinek hatilak. Silonyot uyadi meeniŋdi mu maŋit, uyadi Wapum negon tubumintaguk.

³Judahi'walaŋ Silonyot diniŋ talitimeŋ wapuhi hogohogok adi yadi kale nanaje boiŋa heheŋdok yeniŋit. Unduŋ doktiŋa Silon kwanai diniŋ talitimeŋ foloon hinek adi dedinŋ tiŋa dumuŋ heheŋ mu tiŋa hatibek. ⁴Tiŋa unduŋon adi kwetfolon hatiluwek adigili Silonyot diniŋ talitimeŋ mu tiluwek. Kwetfolon adi Yodoko Mededi yolak wondok tuwolit Judahi'walaŋ Silonyot diniŋ talitimeŋ tuwot hatiŋ. ⁵Adi yadi Silonyot welewele eŋ woliniŋ gineŋ kwanai tiŋ. Eŋ foloon hinek adi kunum gineŋ itak. Moses adi seli yot mawene tulune Wapumdi indinŋ niŋguk, “Nadilaŋbe? Kweboboe folon weleweleniŋ ganindidimeeŋ ganindapmagut wondok tuwot nemenemek hogohogok tubudapmawaanŋ.”

Yofolok kobuli diniŋ mede

⁶Kaŋ nai indidegon yofolok gitipmuŋ adi gigitmede loloŋnitdi daŋiniŋ hakilitimimbune wondok folon Jesudi kwanai tilak. Unduŋ doktiŋa yofolok eŋ kwanai tilak wendi dumuŋ heheŋ komi diniŋ tuwolit yalakapmedapmalak. ⁷Yofolok timeŋ hakuk wondi foloonit tibe tuguk binek adi mindaŋkade nimbo mintadok medeŋiŋ mu mintaluwek. ⁸Bepaŋ adi meeniŋdok nadiune tuwot mu tubune indinŋ yoguk,

“Hatigene nai niŋde Isilae kayonbop eŋ Juda kayonbop adut yofolok gitipmuŋ niŋ tubumintawaat. Wapumdi unduŋ yolak.

⁹Koomkwaha mamahi-papahiye Isip kwetneŋniŋ yanagilene kohohik folon yohoneeŋ adut yofolok tugut, yofolok undiniŋ moŋ. Adi yadi yofolok wendiniŋ maaneŋ kulemaŋon mu hatigiŋ doktiŋa nu sigilulum tiyemgut. Wapum adi unduŋ yolak. ¹⁰Eŋ mindaŋ nai niŋ gineŋ Isilae kayonbop dut yofolok tibat adi indinŋ. Nu'walaŋ yodoko mede welehiŋ maaneŋ dahiwe fowaak, tiŋa nadinadihiŋ gineŋ youlene halaak. Kaŋ na Bepaŋhik hatibaat, eŋ adi metamneye hatineeŋ. ¹¹Kaŋ me niŋdi kwayaŋ be meeniŋ noliŋiye Bepaŋ'walaŋ Mede Momoon yenimbene indinŋ mu yobaak. ‘Hidi Wapum'walaŋ mebi nadineŋ!’ Mokonŋ, adi yadi fofonitbe, be loloŋnitdi wanakaŋ mebine nadidapmaneŋ.

¹²Kaŋ nu yomhiŋ biyembaat eŋ titiŋhik kadakaninŋ gimingimiu u tumolokuyembaat.”

¹³Kaŋ Wapum adi Yofolok Kobulidok mede yoŋila koom hakuk wondok “bumuŋ” yoguk. Biyagonŋ hinek kuyonŋ, nemenemek bumuhi eŋ gapmahak tiŋ u dapmahinaka tibat.

Koom Wapum niutumbadok tali adi woliniŋ hogok hakuk

9 ¹Yofolok komi gineŋ Wapum niutumba titiŋdok tali hakuk eŋ wondiniŋ Yoholaŋ^b Uŋgoniŋ kwetfoloŋ ikuk. ²Bepaŋ niutumbadok Yoholaŋ indinŋku magiŋ oŋ. Yotmaaŋ niŋ timenŋ hinek, u wou Yotmaaŋ Uŋgoniŋ yogiŋ, uŋoŋ kendol boiŋa galidok kayoŋ yakuk, tiŋa falik niŋ yakuk wondok foloŋ belet Bepaŋdok boiŋa uŋgoniŋ yoŋit wondi hakuk. ³Kaŋ yotmaaŋ niŋ hauledi dobuhep tubune hatuguk uyadi wou Yotmaaŋ Uŋgoniŋ Hinehinek yoŋit. ⁴Uŋoŋ adi hemundumunduŋe titiŋdok alta goldi tiŋit uŋgoŋ ikuk. Tiŋa yofolok diniŋ bogit goldi hafiyegumotagiŋ wondi ikuk. Tiŋa mana kabot^c eŋ Alon'walaŋ tot kaikaŋaŋ mundiniŋ kadoguk uye yofolok komi diniŋ kawade gumoi dut wanaŋ kameŋit. ⁵Sigiŋ foloŋ adi hauta diniŋ Kelobim^d welewele lufomuk papalihikdi bogit namokopŋiŋ kufula hehewe tiŋa yakumuk. Ala wondiniŋ medeŋiŋ dedinŋ tiŋa yodapmaweŋ.

⁶Nemenemek unduŋ boiune halune yotmaaŋ niŋ timenŋ hinek uŋoŋ dumuŋ heheŋ-me heki adi helemahemaŋ foŋat labuŋat tiŋa kwanaihik tiyaŋiŋ. ⁷Eŋ yotmaaŋ niŋ maaneŋ hinek uŋoŋ adi Siloŋyot diniŋ Talitimeŋ Wapumhik ne kubugoŋ gulet kubugoŋ maaneŋ nai kubugoŋ foluguk. Ala hogok adi moŋ, ne'walaŋ yom eŋ metam'walaŋ yomdok nadisuŋa naŋgat moŋgola fooŋ siloŋ tiŋa kwatneluguk. ⁸Nemek wendiniŋ mebi Uŋgoniŋ Munabulidi indinŋ nihititiŋenelak. Yoholaŋ Uŋgoniŋ komidi uŋgoŋ ihelune indi Bepaŋ'walaŋ Yot Uŋgoniŋ, folooŋ hinek gineŋ fofoŋdok talii u miŋgilanŋoŋ hinek mu mintadakaleguk. ⁹Yoholaŋ timenŋ ikuk wondiniŋ mebi adi nai indidegoŋ kwetfoloŋ hatiyam wondiniŋ weleweleŋiŋ tilak. Yoholaŋ Uŋgoniŋ gineŋ nanaŋe kale boiŋa dumuŋ hemihemiŋ wondi meeniŋ bopneeŋ Bepaŋ niutumba tigiŋ adi'walaŋ welehek tutumbadok tuwot moŋ. ¹⁰Unduŋ doktiŋa Judahi'walaŋ Yodoko Mede adi titiŋ mebimebi tiŋa nanaŋe ime eŋ foloohik youtewalandadok mede hogokdi hakuk. Undiniŋ uyadi kougoŋ folooŋdi mintauŋe kelekutdok, ala hogok weleweleŋiŋ hakuk.

Kilisto adi siloŋ kwanai folooŋ tuguk

¹¹Kilisto adi nemek momooŋ agaŋ mintaguk hakiŋ wendiniŋ Siloŋyot Talitimeŋ Wapum mintaguk. Unduŋ tiŋa Siloŋyot folooŋ hinek, meeniŋ kohohikdi mu magiŋ, kwetfoloŋ iŋoŋ iitdok tuwot moŋ, uŋoŋ foguk. ¹²Meme eŋ makau naŋgatdi moŋ, ne'walaŋ naŋgatdi Siloŋyot diniŋ Yotmaaŋ Uŋgoniŋ Hinehinek uŋoŋ nai kubugoŋ fooŋ nihituwaguk

^b 9:1 Seliyot indi'walaŋ mede gineŋ yoholaŋ yoyam. ^c 9:4 Mana uyadi nanaŋe Bepaŋdi Judahi kwet fiilenŋ yembu nayagiŋ. Kisim Bek 16 uŋgoŋ kunali nadidok. ^d 9:5 Kelobim adi Bepaŋ'walaŋ aŋelo bop niŋ'walaŋ wohik.

wondigon hahat fafaʒeniŋ halaak. ¹³Meme dut makau naŋgat eŋ makau kwam uyadi Judahiʼwalaŋ titiŋ keleen wendi meeniŋ geŋgeŋhinit foloŋ gikwaimbat tiyembune foloohik hogok walandaguk. ¹⁴Judahiʼwalaŋ dumuŋ heheŋ-me hekidi unduŋ tagiŋ, iŋgoŋ hatihati dapmadapmaŋnit diniŋ Munabuli adi Kilisto tubulodaune neʼwalaŋ hatihatiniŋ didimeniŋ hinek u Bepaŋdok siloŋ timiŋa welenik bumbut nihiyoutewalandalak. Ale indi titiŋnik hogohi doktiŋa kumuŋdok gigit tugumun u Kilistoʼwalaŋ naŋgatdi kedem nihiyoutewalandaune Bepaŋ hatihati molom tipilapilaye timiyaneem.

Jesuʼwalaŋ naŋgatdi kadakanidok tuwaŋiŋ kameune sidokoguk

¹⁵Unduŋ degoŋ tiŋa Kilisto adi yofolok kobuli diniŋ talitimeŋ tuguk, unduŋ tiŋa yofolok komi gineŋ hatiŋila yom tiŋit u tumolokutdok kumuŋguk. Unduŋ tuguk doktiŋa adiʼwalaŋ meŋjimeŋiye adi yadi hatihati fafaʒeniŋ diniŋ kohoŋdiki moŋgotdok gigit yeniŋit u kedem moŋgotneeŋ. ¹⁶Kohoŋdiki diniŋ mede adi indiŋ hatak. Molom kumumbune adigili moŋgotdok. ¹⁷Molom dawi kaipmuŋ hatilune kohoŋdikidok gigit yoŋit u hogok haletik ala kumumbune mede wondiniŋ folooŋ mintalak. ¹⁸Biyagoŋ kuyoŋ, unduŋ doktiŋa yofolok komi adi undugoŋ naŋgatnit mokit mu hakuk. ¹⁹Adi Mosesdi indiŋ tuguk. Yodoko Mede kiutkiut mebimebi nindidimeŋit indigoŋ tuwot metam mede yeniyehitubudidimedapmaan makau eŋ meme naŋgat ime gut miŋobuŋa kusek^e foloŋ dompa dumuniŋ giminiŋ ulobuŋa wendi naŋgat gineŋ fulaŋa tiŋaloŋ gikwaimbalune pepa bilibetnit be metam wanaŋ tinagomyemuluguk. ²⁰Unduŋ tiŋa indiŋ yeniluguk, “Biyagoŋ kuyoŋ, Bepaŋdi yofolok mede yokwambundahamuŋak wendiniŋ naŋgat iŋakoŋ.” ²¹Unduŋ yeniŋa Siloŋyot magiŋ eŋ siloŋ kwanai diniŋ kulufe heki u maŋ naŋgatdi yougomuluguk. ²²Diki adi indiŋ, Yodoko Mede gineŋ yoŋit doktiŋa nemenemek hogok-kabe nemu wabidok, naŋgatdi wanaŋ youtewalandadok, eŋ naŋgatnit mokit adi yom tumolokutdok talik nemu hatak.

Kilisto adi inditok siloŋ nai kubugoŋ tubune dapmaguk

²³Kunumneniŋ nemek folooŋ hinek hatak wendiniŋ weleweleniŋ uyadi naŋgatfitdi youtewalandadok yoŋit eŋ nemek folooŋ hinek ne adi siloŋ wapum hinekdi youtewalandadok tali kubugoŋ hatak. ²⁴Unduŋ doktiŋa Kilisto yadi Bepaŋʼwalaŋ Siloŋyot folooŋ hinek diniŋ woliniŋ meeniŋ kohohikdi magiŋ gineŋ uŋoŋ mu foguk. Adi yadi kunum maaneŋ loguk,

^e 9:19 Kusek u wou hisop. Koom Isip kwetneŋ Aŋelodi Isilaehi yabukiyondaan yalakapmeguk, nai uŋaniŋ Isilaehi hisop kusekdi dompa mihiniŋʼwalaŋ naŋgat gineŋ kapmaŋ tiŋa yeme foloŋ hafiyegin.

tiņa uņgoņ hatiņila Bepaņ'walaņ hebeņ foloņ inditok tiņa siloņ kwanaiņiņ hati tilak. ²⁵Tiņa undugoņ welen be foloņdi inditok siloņ kwanai foloņbo kilikibo titiņdok mu loguk. Dumuņ heheņ-me talitimerņhik adigili biyagoņ gulet indigoņ tuwot foluguk. Ala uyadi ne'walaņ naņgat moņ, uyadi naņgat fiili moņgola Siloņyot diniņ Yotmaaņ Uņgoņiņ Hinehinek gineņ foluguk. ²⁶Kaņ Kilistodibo undugoņ titalabuliwek binek adi kwet tububihila mintagukneņgoņ tububihila nai fee hinek kumuņtalabuluwek. Adi yadi unduņ mu tiņa nai wapum dulaune yomnik dapmandok ne'walaņ foloņdi nai kubugoņ hinek siloņ timimbune dapmaguk. ²⁷Meeniņdi nai kubugoņ hogok kumuņdok niniņit, kaņ wondok sigineņ medenik yodapmaņdok yoņit. ²⁸Kaņ Kilisto adi undugoņ meeniņ fee diniņ yomhik hekiņa nai kubugoņ kumuņgukdi kotigoņ kadakaniņ diniņ kwanai tibene moņ, adi woom timiņila hatiņi adi yanagitdok hogok mintadakalewaak.

Yodoko Mede foloņ siloņ kwanai tigiņ uyadi woliniņ hogok

10 ¹Yodoko Mede foloņ nemek yoņit uyadi foloņ mindaņ mintawaak wondiniņ woliniņ hogok. Foloņ hinek moņ doktiņa dumuņ heheņ tiiņ heki adi Yodoko Mede takaliņa gulet indigoņ tuwot dumuņ heheņ tiiņ iņgoņ wendi meeniņ uņoņ Bepaņ niutumbaiņ tuwot mu yehitubudidimeeņ yehitubuwalandalak. ²Unduņ binek tuluwek adi siloņdok dumuņ heheņ agaņ dapmawe tuguk. Eņ uņoņ Bepaņ niutumbaiņ heki adi yomhinit mokit binek adi yomhidok nadibedi mu taneņ. ³Dumuņ heheņ wondi gulet indigoņ mintaune yomhidok nadisuiņ. ⁴Meme dut makau heki'walaņ naņgatdi yomhik deti youtekulek? U tuwot moņ. ⁵Biyagoņ kuyoņ, wondegoņ tiņa Kilisto ne kwetfoloņ fowene mede indiiņ yoguk,

“Siloņ kwanai eņ dumuņ heheņ-mebimebi tiiņ wondok nadigalika mu tilaņ. Iņgoņ oņ, foloone adigili nehitiulidokolaņ. ⁶Kale kunilit heheņ be kadakaniņdok dumuņ heheņ tigamdok nadilakata tilaņ.

⁷Kaņ yogut, ‘O Bepaņ, nu du'walaņ nadisuhebet takaliwe bulat. Pepa bilibetnit gineņ nutok mede youkiņ wondok tuwolit.’”

⁸Wahiņ mede indiiņ yoguk hatak, “Dumuņ heheņ mebimebi eņ kale kunilit kadakaniņdok dumuņ heheņ tigamdok nadigalika mu tilaņ eņ wondok adi nadilakata tilaņ.” Nemek uyadi Yodoko Mededi yolak wendok tuwot boiņa heyagiņ. ⁹Tiņa mede indiiņ tomboyoula yoguk, “O Bepaņ, nu du'walaņ nadisuhebet takaliwe bulat.” Unduņ yoņa titiņ komi kelekula kobuli niņ kambiyakuk. ¹⁰Jesu Kilisto adi Bepaņ'walaņ nadisuhebet takaliņa ne'walaņ foloņdi nai kubugoņ hinek siloņ timimbune dapmaguk. Unduņ tubune indi wanakaņ welenik walandaguk.

Jesu adi inditok siloņ foloņ tuguk

¹¹Dumuņ heheņ heki adi helemahemaņ kwanaihiķ tiņila dumuņ uņakoņ foloņbo kilikibo hehatiyagiņ, kaņ wendi yom hogohi u

tuwot mu tumolokutuguk. ¹²Kilisto adigili kadakaninikdok silon eḡ dumuḡ heheḡ nai kubuḡoḡ tubune dapmaune wahinḡ loguk Bepaḡ'walaḡ kohoḡ didimeninḡnerḡkade itak. ¹³Kaḡ uḡoḡ memikḡjiye adi gweheyeune yehiyalibefooḡ uloloḡ yapmedok woom hatilak. ¹⁴Eḡ welehiḡ tubuwalandadok tali foloḡ hatiḡ aditok nai kubuḡoḡ hinek ne'walaḡ folooḡdi Bepaḡdok dumuḡ hemiḡa yehitubu-walanda kwanai tubudapmaguk. Wondi haliwoḡoḡ halaak. ¹⁵Kaḡ Uḡgonoḡ Munabulidi wondiniḡ mede unduḡoḡ ninimbihitak. Ala timenḡ adi mede indinḡ hatak, ¹⁶“Wapum adi indinḡ yolak, ‘Mindanḡ nai ninḡ gineḡ Isilae kayoḡḡbop dut yofolok tibaat adi indinḡ. Nu'walaḡ yodoko mede welehiḡ maaneḡ dahiwe fowaak, tiḡa nadinadihiḡ gineḡ youlene halaak.’” ¹⁷Eḡ mindanḡ kotigoḡ indinḡ tomboyoutak, “Nu yomhiḡ tumolokulaat. Eḡ mede wobu tiḡa kadakaninḡ tigiḡ u kaule tibaat.” ¹⁸Kadakaninḡ liwedapmaune woḡ adi wondiniḡ dumuḡ heheḡ kwanai u wanaḡ dapmalak.

Bepaḡ adi welenikdi biyagoḡ hinek nadikwambundaanḡ niutumbadok

¹⁹Notneye, Jesu adi naḡgatḡinḡdi kadakaninḡnik youtekutnimguk doktiḡa Siloḡyot diniḡ Yotmaḡ Uḡgonoḡ Hinehinek gineḡ fofoḡdok welenik loda tubune nadilodaanḡ nadibedinit mokit foyaneem. ²⁰Wondiniḡ talik kobuli hatihatinit uyadi negoḡ tubudidimenimḡguk. Biyagoḡ kuyoḡ, adi unduḡ tiḡa ne'walaḡ folooḡdi tehep hakuk u youbulagineenḡ uḡoḡ foguk. ²¹Loḡ Siloḡyot diniḡ Talitimenḡ Wapum Bepaḡ'walaḡ Yot mebineḡ hatinimilak. ²²Unduḡ doktiḡa indi nadisukilitidi welenik tubulodaune biyagoḡ hinek nadilodaanḡ nadibedinit mokit Bepaḡ tubudulaanḡ niutumbaanḡ hatiyaneem. Eḡ koom welenik yomdi tubugouyeguk u Kilisto naḡgatḡinḡdi youtelune walandagumun eḡ foloonik u ime waliniḡdi youtelune unduḡ kedem tineem. ²³Unduḡ tiḡa mede yobune kwambundalakdi undubo yooḡ undubo yooḡ mu tilak doktiḡa nadikunakunale tiḡa yohautayam u fafaḡeḡgoḡ kame hatiḡa yohautayaneem. ²⁴Tiḡa kikadoko tiḡila welesiloḡ titiḡdok eḡ tinasiloḡ kwanai u wanaḡ kiulihi tiḡa tiyaneem. ²⁵Tiḡa metam nadisukilitihinitdi bop tiyamneḡ, eḡ meeniḡ feedi mu buḡa hatiliweliweḡ tiḡ, hidi unduḡ mu tiyaneenḡ. Biyagoḡ kuyoḡ, nai wapum agaḡ nihitubu-dula tilak, unduḡ nadiḡa gigne tiḡa kinintubukiliti tiḡa hatiyaneem.

Kadakaninḡ nadikabele tiḡa mu titiḡdok

²⁶Indi yadi mede folooḡ hinekdi welenik tubuhautaune kadakaninḡ nadihanḡndanḡ be nadikabeleḡ tinene nediyeḡ wendiniḡ yomdok dumuḡ kotigoḡ heune dapmawaak. U moḡ, unduḡ mu hatak. ²⁷Uyadi kibikoḡ nemek malabumuḡ, eḡ kudupmebem wapum

wondi hogok woomnimbaak. Biyagon kuyon, kudupmebem wondi Bepañ'walaŋ memikniye yehidadapmawaak. ²⁸Koom adi meeniŋ niŋdi Moses'walaŋ Yodoko Mede nadihaŋindaan lahulune meeniŋ lufomdi be lufomkultitniŋdi mebiŋiŋ yobihilune uŋaniŋgoŋ pilap hinek bulaningonit mokit ulune kumuluguk. ²⁹Nai indidegoŋ adi meeniŋ nediyeŋ, Bepañ Mihiniŋ'walaŋ kwanai ulatifoŋ yalibitakaan, yofolok diniŋ nanŋat gombune welaŋ walandaguk u nadihaŋindaan Munabuli silon tobogon molom niŋkadakawaak, adi yadi kibikoŋ nemek malabumuŋ hinek mintamimbaak. ³⁰Nadiiŋbe? Indi yadi mede indiy yoguk adi'walaŋ mebi nadiyam,

“Yom toboniŋ wobuwobu uyadi nu'walaŋ kwanai. Kibikoŋdok yodapman uyadi na tibaat.”

Tiŋa niŋ indiy hatak, “Wapum adi meŋimeniye'walaŋ mede yodapmawaak.”

³¹Biyagon kuyon, Bepañ hatihati molom adi meeniŋ niŋ tubudidimedok yoŋa honeune woŋ adi nemek muntaŋ yobu!

Nadisukilitihik mu gweheyewaak

³²Hidi yadi nemek koom tihatiyagiŋ wendok nadisuyaneer. Nai uŋaniŋ welehiŋ gineŋ hauta mintalune mik-kwadi gineŋ fafaŋer hatinila folofigita kwanai wapum tigiŋ. ³³Kaŋ noli hidi yadi metam dauyeŋgoŋ mekaŋgoŋ tihamuŋa fidihi tubufigitaŋiŋ. Eŋ noli hidi nohiyedi folofigita undiniŋ hinek nadiune yehitubu-lodaan wanaŋ nadigiŋ. ³⁴Hidi nohiye yot fafaŋeniŋ gineŋ foune welebulaniŋgoŋ kisaŋ nadigiŋ. Eŋ muneer bombon holom moŋgolune bombon folooŋ fafaŋeniŋ halaak u agaŋ hatinimilak unduŋ yoŋa welemomoŋ hinek nadigiŋ. ³⁵Ale yoŋ adi fafaŋehik gweheye mu tubune fafaŋe tiŋa hatigene kougoŋ tuwanaŋiŋ loloŋnit beneer. ³⁶Unduŋ doktiŋa hidi fafaŋe tubumintaŋ Bepañ'walaŋ nadihebet takalidapmaan hatigene nemek gigit haniŋit wondiniŋ folooŋ moŋgotneer. ³⁷Ala nai muniniŋ-kabe niŋ hatak u dapmaune

“Bubuŋdok yoŋit adi nai tiloŋ tifoŋ mu tiŋa pilap hinek busuwawaak. ³⁸Iŋgoŋ oŋ, nu'walaŋ me be tam didimeniŋ adi nadisukiliti doktiŋa hatihati kahilewaak. Eŋ nadigweheye nobu tibaak adi walanedi nadimimbene mu utumbawaak.”

³⁹Indi yadi nadigweheye tiŋa kadakadok moŋ, indi yadi nadisukiliti tiŋa hatihati kahiledok gigit.

Nadisukiliti diniŋ mede

11 ¹Nadisukiliti diniŋ mebi adi indiy hatak: Nemek niŋ nimdok gigit niniŋit u nadikwambundaan wondok nadikunakunale, eŋ nemek folooŋ daunikdi mu kaŋ hogok welenikdi nadikahileer behatiam wondi nadisukiliti tilak. ²Biyagon kuyon, meeniŋ komihi nadisukilitihiniŋ adi

nadisukiliti undihi behatibune Bepaŋdi yabune utumbaguk. ³Kwet adi Bepaŋ'walaŋ maŋiŋ medede tiŋa mintaguk uyadi nadisukilitinit hatiyam doktiŋa nadiyah. Indiŋ kuyonŋ, nemenemek miŋgoŋ yabam yonŋ adi Bepaŋdi nemek miŋgoŋ mu yabamdi tubumintaguk.

Abel, Inok eŋ Nowa adi nadisukilitihinit

⁴Abel adi nadisukilitinit hatiguk doktiŋa Bepaŋ silonŋmuni hemimbune kaune utumbaguk, eŋ Kein'walaŋ adi wabi tuguk. Biyagoŋ kuyonŋ, nadisukilitiŋiŋ doktiŋa Bepaŋdi kaune me didimeniŋ tubune dumuŋ heguk u kahileune nadisukiliti halimiŋguk u mintadakaleguk. Abel adi nadisukilitinit hatiguk doktiŋa agaŋ kumuŋguk iŋgoŋ medeŋiŋ nadinene kaipmuŋ hatiŋa ninilak nabugoŋ tilak.

⁵Inok adi nadisukilitinit hatiguk doktiŋa kumuŋ mu tuguk, Bepaŋdi kunum gineŋ kaipmuŋ nagiloguk. Unduŋ tubune meeniŋdi lohi tigiŋ. Tiŋa mu lolune timenŋgoŋ Bepaŋdi adi kaune utumbalak u agaŋ yohautanŋit. ⁶Indi nadisukilitinit mokit hatinene Bepaŋdi nibune utumbadok talik nemu hatak. Bepaŋ siginikdi hogok mu niutumbadok. Nebek niŋ adi Bepaŋdi nagitdok nadilak adi indiŋ nadisukilitiluwaak: Bepaŋ adi biyagoŋ hatiŋila metam nadisukilitidok gicine tiŋ kahaŋ tiyemiŋa yehitubu-lodaanŋ hatihati yemulak.

⁷Nowa adi maanŋ nadisukilitinit hatiguk doktiŋa Bepaŋdi nemek kougoŋ mintawaak wondiniŋ gigit timeŋ ninguk. Nimbune adi nadimimbune loune gikiŋgoŋ timiŋa wapmihi tam kaipmuŋ hatidok nadiŋa muwage wapum tutumbaguk. Adi unduŋ tiŋila meeniŋ yomhinit diniŋ mebihik miŋgoŋ tubumintaguk. Unduŋ tiŋa nadisukilitinit tiŋa yomnit mokit hatihati wondiniŋ folooŋ kahileguk.

Abalaham adi nadisukilitinit

⁸Abalaham adi nadisukilitinit hatiguk doktiŋa ne'walaŋ kwet u wabiŋa kwet niŋ kahiledok nimbune mede tiloloŋ tuguk. Tiŋa kwet dendok hinek yonŋit u mu nadiŋa hogok pilali uguk. ⁹Nadisukilitinit doktiŋa kwet gigit niŋitneŋ uŋoŋ usuwaanŋ yokwet niŋ tubukilitiŋa mu hatiguk. Gitipmuŋ doktiŋa seli yot mauyat tiŋila kwetkwet uŋaŋbo uŋaŋbo itouluguk. Aisak dut Jekop adi gigitmede uŋakoŋ kahilegumuk iŋgoŋ adi maanŋ undugoŋ tugumuk. ¹⁰Abalaham adi yokwet niŋ ifafaŋe tilak Bepaŋdi tubumintaanŋ mohinek tutumbaguk wendok nadiŋila hatiguk.

¹¹Sela adi maanŋ undugoŋ nadisukilitinit doktiŋa saŋiniŋ halimimbune tam gawada tuguk iŋgoŋ mihiwele tuguk. Adi indiŋ nadiguk. Bepaŋ adi mede biyagoŋ hogok yolak doktiŋa mede naniŋguk u folooŋ tubumintawaak. ¹²Unduŋ degoŋ tiŋa me kubugoŋ, adi minta-ulihakadok saŋiniŋiŋiŋ agaŋ dapmaguk iŋgoŋ adi'walaaniŋ yalaki minta-ulihaka tigiŋ adi yadi kunum foloŋ hinantilamek ilawiŋiŋ aditok tuwolit, eŋ ime luhi

magineŋ kiŋ itak, meeniŋdi tuwot mu kunadapmandok wendok tuwolit mintagiŋ.

¹³Meeniŋ unduŋ kuyeŋ nadisukilitinit hatiŋa kumuŋdapmagineŋ. Nemek gigit yeniŋit u folooŋ mu beŋa hogok kwatnaŋgoŋ halune dauhikdi kaŋ nadikunakunale tigiŋ. Unduŋ tiŋa mebihik indiŋ nadigiŋ: Indi yadi kwet folooŋ mu kahileeŋ hogok buŋambu unduŋ hatiyam. ¹⁴Mede unduŋ yoŋa yokwet mebi niŋ tubumintadok welehik fagihi tuguk. ¹⁵Unduŋ tiŋa nehi'walaŋ yohikwehik biŋa bugiŋ wondok welehik koloŋgoŋ mu yakuk. Unduŋ nadine tigiŋ binek udanene nadiŋa kedem udanene tigiŋ. ¹⁶Adi yadi yokwet momooŋ kunum gineŋ hatak ukuyendok nadigalika tigiŋ. Unduŋ doktiŋa metam wendi Bepaŋ indiŋ niŋgiŋ. “Du indi'walaŋ Bepaŋ.” Kaŋ Bepaŋ adi medehik wendok meka mu tilak. Mangande adi negoŋ yokwet wapum niŋ tiulidokoyemiŋguk.

Iso eŋ Jekop

¹⁷Abalaham adi nadisukilitinit hatiguk doktiŋa Bepaŋdi Abalaham'walaŋ nadisukilitiniŋ kameka titiŋdok yoŋa Aisak siloŋ dumuŋ hemiŋdok nimbune medeŋiŋ nadiguk. Biyagoŋ kuyoŋ, adi gigitmede moŋgokukdi mihiŋiŋ kubugoŋ tubudapmandegoŋ tuguk. ¹⁸Gigitmede indiŋ nadiguk, “Aisak'walaaniŋ yalakigeye minta ulihaka tineeŋ.” ¹⁹Uyadi indiŋ nadiŋa tuguk. Bepaŋ adi meeniŋ kumuŋ gineŋiŋ yehitubu-kaikadok saŋiniŋ halimilak. Unduŋ doktiŋa kumuŋ gineŋiŋ nabugoŋ tubu-udanemiŋguk.

²⁰Aisak adi nadisukilitinit hatiguk doktiŋa Jekop gut Iso kahaŋ tiyemiŋa nemek kougoŋ mintayembaak wondiniŋ kigili mede maan yeniŋguk. ²¹Jekop adi nadisukilitinit hatiguk doktiŋa kumuŋdok tiŋila Josep mihiŋiyat kahaŋ tiyemguk. Tiŋa kuyaŋdi malidamdaŋ ilaŋa Bepaŋ mulelem timiŋa niutumbaguk. ²²Josep adi nadisukilitinit hatiguk doktiŋa kumuŋdok naiŋiŋ dulalune Isilae metam adi hatige Isip kwet wabiŋa nehi'walaŋ yohikwehineŋ uneeŋ wondok nadisuŋa kitiliŋiŋdok mede timengoŋ yenindakaleguk.

Moses gut Josuwa adi nadisukilitihinit

²³Moses mintaune miŋbeu adi nadisukilitihinit doktiŋa mihi kaditaan mapme medeŋiŋdok munta mu tiŋa muyakip lufomkulitniŋ kamehebi tubune hakuk. ²⁴Moses adi nadisukilitinit hatiguk doktiŋa bediune Felo waabiŋiŋ diniŋ mihi nimbune adi moŋ yoluguk. ²⁵Adi yadi kadakanŋ diniŋ tinagalika muniŋgoŋ u wabiŋa Bepaŋ'walaŋ meŋimenjiye dut folofigita eŋ bulaniŋgoŋ nadidok yoguk. ²⁶Unduŋ tiŋa Isip kwet diniŋ muneŋ bombon duhuduhu wapum wendok nadiune gelegelem tuguk. Eŋ Kilisto doktiŋa meka tiŋa welebulaniŋgoŋ hatidok adi nadiune folooŋ tuguk. Uyadi hatigene folooŋ moŋgolaat nadiŋa unduŋ tuguk. ²⁷Adi

nadisukilitinit hatiguk doktiņa mapme'walaņ kwihita ulatifoņ Isip kwet bikabuņa uguk. Unduņ tiņa Bepaņ hebiniņ u dawidi miņgoņ nabugoņ kaņ adi'walaņkade wooņ galiguk. ²⁸Moses adi nadisukilitinit hatiguk doktiņa yobune Aņelodi Yabukiyondaañ Yalakapmegukdok dompa mihiniņ dobuņa naņgatņiņdi talik yeme foloņ hafiyegiņ. Kaņ Aņelodi u kakiyondaañ Isilaeħi miħiħiye tuwo heki biyabuguk.

²⁹Kaņ Isilae metam adi nadisukilitihinit hatigiņ doktiņa Imeņgwaņ Giminiņ gineņ kwet gineņ siliņ halu yawam nabugoņ halu wooņ dapmaañ logiņ. Kaņ Isiphidibo undugoņ tinim yo tiyaugiņ iņgoņ imeņgwaņdi kwatneeņ buņa yehikufulaguk. ³⁰Isilae metam adi nadisukilitinit hatigiņ doktiņa Jeliko yokwet diniņ gimbaħa kelemadiune melenai 7 tubune gologuk. ³¹Talitam Leħap adi nadisukilitinit hatiguk doktiņa meyat kwet kanadi tide ugumuk menot tiyemguk. Ala metam mede wobuhinit udihikumunģiņeņ adi kubugoņ bikabugiņ.

Meeniņ nadisukilitihinit noli

³²Tiņa mede noli deti yodapmaweņ. Gidiyon eņ Belak, eņ Samson eņ Yepta eņ Dewit eņ Samuel eņ polofet heki'walaņ mede kahat tiliwit binek kweheyeniņ tuluwek. ³³Adi yadi nadisukilitinit hatigiņ doktiņa meeniņ bop fee yehitifogiņ. Unduņ tiņa tubudidime kwanai didimeniņgoņ tigiņ. Eņ nemek gigit yeniņit wondiniņ folooņ begiņ. Unduņ tiņa laion mahik teheyemgiņ, ³⁴kudupmebem diniņ wakokom tubusububagiņ, mik-kwadi eņ tebe bohom tiņa widihine tagiņ iņgoņ oņ, adi kaipmuņ hatiyagiņ, gweheyehidi kotigoņ fafaņegiņ. Mik gineņ me saņiħi tigiņ, memik kwet niņkadeħi udiħi yehikelegiņ. ³⁵Eņ tamwoi noli nadisukilitigiņ doktiņa Bepaņdi yehitubu-lodaañ yohohiye be wapmiħiħiye kumuņ gineņiņ yehitubu-kayemguk. Meeniņ noli folofigita yemiņa kudi hogohi tiyemgiņ, unduņ tiyemiņa nadisukilitihik wabiune biyabudok yeniņgiņ, iņgoņ adi yadi hatihati fafaņeniņdok pilatne nadiņa unduņ mu tigiņ. ³⁶Meeniņ noli adi yenimpekit tiņa kiyegelepdi yehiwidihitnadigiņ, eņ noli widiħi tubufigita tigiņ, eņ noli kayohik kohohik yehi-ibikilitiņa yot fafaņeniņ gineņ yapmegiņ. ³⁷Eņ noli adi kawadedi widihikumunģiņ. Noli segedi yehidobulopmadigiņ. Noli miknoņdi kodihik dobulopmadigiņ. Eņ noli adi unduņ tiyembune dompa eņ meme sigiņ gitnemdi tinahukut tiņa map hatiņila bulaniņgoņ kisaņ nadigiņ. ³⁸Unduņ doktiņa adi pupuheneeņ, kwetkwet eņ meeniņ mu hatiņneņ eņ kweboboeneņ, eņ kawade mage gineņ, eņ kwet ginaneņ, momooņ wooņ hebihatigiņ. Adi'walaņ titiņħik u uņgoņiņ hinek doktiņa metam noli nadisukilitihinit mokit hatigiņ aditok tuwolit mu tuguk. ³⁹Adi hogohogok nadisukilitihik doktiņa Bepaņdi yabune utumbaguk, iņgoņ oņ, nemek gigit yeniņit wondiniņ folooņ mu tubumintagiņ. ⁴⁰Mebi indiiņ doktiņa. Bepaņ adi

indi'walaŋkade nemek wapum kamedok nadiune halibuguk, uyadi hatihati fafaŋeniŋ kuyon, u indinit mokit adi hogok kahiledok nadiune tuwot mu tuguk.

Jesudi talik tububihitnimguk u fafaŋe tiŋa keledok

12 ¹Metam nadisukilitihinit koom hatigiŋ uyadi mulukwan nabugon nihikelemadi tiŋa yakiŋ. Adi gebiŋ yakadi tinimiŋ doktiŋa nemek nihitubu-malabuda tilak u kwihililiwenekut tiyaneem. Eŋ kadakanŋ diniŋ tawadi nihisikondikondiŋelak u maŋg dobukut tiyaneem. Unduŋ tiŋa talik ninindidimenŋit folon uŋgon gweheye mu tiŋa wenenŋeit hogok yawaneem. ²Unduŋ tiŋa Jesu, nadisukiliti tububihitnimguk, eŋ nadisukiliti diniŋ foloon tubumintalak, adi'walaŋkade didimeniŋgon diweyaneem. Adi yadi welenadifo mintamindok yonŋit wendok nadisuŋa kolonŋdabek folon folofigita nadiguk, eŋ mekaŋgon yayatdok wondok nadiune haŋinda tuguk. Unduŋ tiŋa loguk Bepaŋ'walaŋ mapme pop tehindilendileŋnit diniŋ kohon didimeniŋneŋkade itak. ³Kadakanŋ titiŋ heki adi nimpekkit kisaŋ tigiŋ iŋgon kabuŋŋiŋ nadikwambundaŋ yayabuguk. Biyagon kuyon, hidi, Jesu nadisuŋa mu gweheyleneŋ.

Bepaŋdi nindihitubu-didime tilak

⁴Hidi kadakanŋdi hehitubu-gweheyedok tubune kelekufatdok fafaŋe tiŋa kwanai titabulune naŋgathik nemu kwatneguk. ⁵Tiŋa mede niŋ "mihineye" haniŋa hanikwambundaŋit hatak u mu nadiŋ be? Mede uye indiŋ,

"Mihine, Wapumdi gehitubu-didimeune nadiune fofonŋit mu tibaak, eŋ ganindidime tubune walage mu gweheyewaak.

⁶Wapum adi meeniŋ niŋ tubulodadok nadiŋa tubudidime tilak, eŋ meeniŋ netok yabukahile titiŋdok nadiŋa widihitnadi tiŋa yehitubu-didimelak."

⁷Wapumdi hehitubu-didime titiŋdok yobune kedem fafaŋe tiŋa yakaneŋ. Biyagon kuyon, Bepaŋdi habune ne'walaŋ wapmihiniŋye tubune unduŋ tihamulak. Be nedi mihibeudi mihiniŋ mu wihitnadiŋa tubudidimelak?

⁸Widihi tubudidime uyadi wapmihiniŋye hogohogok tiyemulak. Unduŋ doktiŋa hidi unduŋnit mokit hatineŋ uyadi hidi Bepaŋ'walaŋ wapmihiniŋye moŋ. Hidi yadi kubo talik gineŋ mintagiŋ hanindok.

⁹Kwetfolon betniye nihitubu-minta tigiŋdi nindihi tubudidime tubune gikiŋgon tiyemagumun. Undugon doktiŋa munabulinik diniŋ beu yadi gikiŋgon hinek timinene tuwot tibek. Unduŋ tiŋa kulemaŋgon hatiyaneeem. ¹⁰Adi yadi nadinadihik tuwolit gulet nai muniŋgon-kabe nindihitubu-didimegiŋ, eŋ Bepaŋ adi nemek foloon hinek mintanimdok unduŋ tinimilak. Biyagon kuyon, ne'walaŋ hatihati uŋgoniŋ gineŋ

tomboyoutdok unduŋ tinimilak. ¹¹Indiŋ mintanimilak: nihitubudidime tilak kaŋ timentimeŋ nadinene welenadifonit mu tilak. Adi tobo welebulaningonŋnit tilak, ala mindaŋkade adi tubudidime gineŋ hatiŋa fafaŋeŋ adi'walaŋkade foloŋ kulema mintalak, wondiniŋ wou hatihati didimeniŋ.

Saŋiniŋ moŋgola yali kiulihi titiŋdok

¹²Kaŋ hidi yadi kohohik kumuŋgweheyeŋ eŋ muhik hokiyehi, ale fafaŋeŋ yalididimeneŋ. ¹³Unduŋ tiŋa talik tubudidimeune hautaune hide'walaŋi kayohik sumbandahidi uŋgoŋ takaliŋa wooŋ kedebaneŋ. ¹⁴Hidi yadi meeniŋ wanakaŋ hogohogok adut kulema foloŋ hatidok kwanai gigne tiŋa taneŋ. Tiŋa Bepaŋdi welehiŋ tubuwalandaune uŋgoniŋ hatidok undugoŋ gigne tiŋa fafaŋeneŋ. Welehiŋ geŋgeŋhinit hatineŋ heki adi Wapum tuwot mu kaneŋ. ¹⁵Tiyaugene hidi'walaaniŋ niŋdi Bepaŋ'walaŋ siloŋ tobogoŋ kahiledok fai tibaakneŋ ala nadiŋa kikadoko tiyaneŋ. Unduŋ tiŋa hide'walaŋ lekiŋgoŋhik gineŋ meeniŋ niŋdi weleŋ gineŋ nadikadaka tiŋa bem niŋ kiliki buukaŋ dabugoŋ mintaaŋ ulihakaŋ metam fee yehitubu-kadakaune Bepaŋ dawi foloŋ geŋgeŋhinit tineeneŋ ala. ¹⁶Tiŋa hidi'walaaniŋ niŋdi siloda-me mu tibek, be Iso'walaŋ talik keleŋ Bepaŋ sigilulum timimbek. Tuwo Iso adi beu'walaaniŋ kohoŋdiki kahiledok hakuk u nadihaŋindaŋ nanaje maliŋ nai kubugoŋ nanaŋdok wendi tuwadok yoguk. ¹⁷Hidi adi agaŋ nadimiŋ, mindaŋkade kahaŋ moŋgotdok yobune moŋ niŋit. Unduŋ tiŋa nemek tuguk u kufulaune dapmandok makat kokekoke moŋ tuguk, iŋgoŋ tali nemu toom-miŋguk.

Hidi yadi Bepaŋ'walaŋ yoli-kwelineŋ agaŋ usuwagiŋ

¹⁸Hidi yadi Isilaehidi Bepaŋ saŋiniŋniŋ eŋ kudiŋiŋ yabugiŋ fek uŋgoŋ mu busuwaiŋ. Adi Sainai kweboboe tubudulaŋ kaune kudup wapum daguk eŋ mambiŋ tuguk eŋ sububa wapum saŋiniŋnit fedikuk, ¹⁹tiŋa undugoŋ, bai gigilit wapum eŋ mede ham u maŋ nadigiŋ. Eŋ nadigiŋ heki adi yadi wabiune koti mu nadidok yoŋa ninadiŋa kobulabulaye tigiŋ. ²⁰Yodoko Mede indiŋ yoŋit wendok nadiune muntaŋ tuguk. "Meeniŋ be kale niŋdi kweboboe yalikaune kawadedi kula ula ulukumundok." ²¹Nemek uyadi muntaŋ hinek mintaune Mosesdi maŋ yoguk, "Nu munta nadiŋa hehele tilat."

²²Hidi yadi kweboboe undineŋ moŋ. Hidi yadi Saiyon kweboboe, Bepaŋ hatihati molom, adi'walaŋ yolikweli Jelusalem, kunum gineŋ itak, kaŋ aŋelo fee mumuyeŋdi bopneŋ tonadifo momooŋ tiŋneŋ uŋgoŋ usuwagiŋ. ²³Biyagoŋ kuyoŋ, hidi Bepaŋ'walaŋ wapmihiniye tuwo heki'walaŋ bophik gineŋ agaŋ usuwagiŋ. Adi yadi Bepaŋdi wohiye agaŋ kunum gineŋ youkuk. Hidi metam hogohogok'walaŋ Bepaŋ

mede yodapman tilak, adi'walaŋkade usuwagiŋ, eŋ meeniŋ didimehi yehitubu-walandariŋt adi'walaŋ munabulihik dut tomboyoukiŋ. ²⁴Eŋ Jesu Yofolok Kobuli diniŋ me lekiŋgoŋdi nihikiutak adi'walaŋkade usuwagiŋ, eŋ Yofolok Kobuli diniŋ naŋgat'walaŋkade usuwagiŋ. Naŋgat wondi Bepaŋ'walaŋ siloŋ tobogoŋ u yofafaŋelak doktiŋa Abel'walaŋ naŋgat kalakapmelak. Abel'walaŋ naŋgatdi kibikoŋdok hogok yofafaŋeguk.

Kougoŋ hatigene Bepaŋdi kwet i mahamulaak

²⁵Hidi Bepaŋ mede hanilak u magihik suwabuŋ tiŋa sigilulum timineeneŋ ala nadinadiŋila hatiyaneenŋ. Koomkwaha kwetfoloŋ foon mute mede yenimbune mede wobu timiŋgiŋ adi yadi kibikoŋ yemiŋguk. Kaŋ nai indide adi kunum gineŋ hatiŋa mede ninilak, adi sigilulum timiŋa kibikoŋnit mokit dedinŋ tiŋa hatineem? ²⁶Koomkwaha mede yobune medeŋiŋdi kwet mahamulune waliwali tuguk. Kaŋ yoŋ adi medeŋiŋ indinŋ hatak. “Nu hatigene kwet mahamula kunum maŋ mahamulaat.” ²⁷Kotigoŋ mahamulaat, unduŋ yoguk, uyadi nemenemek tubumintaguk uku mahamulune folonamandap niŋ mintaneenŋdok nadisuŋa yoguk. Folonamandap niŋ u mintaŋ waliwali mu tiŋa fafaŋeniŋ halaak. ²⁸Kaŋ Bepaŋ hebeŋ foloŋ hatihati waliwalinit mokit fafaŋeniŋ hatak u kahileneem, unduŋ doktiŋa Bepaŋdok welemomoŋ nadimiŋa niutumbayaneem. Unduŋ tiŋa indetok nadinene founa Bepaŋ gikiŋgoŋ timiŋa ne nadiune utumbalak wondok tuwolit tipilapilaye timiyaneem. ²⁹Unduŋ tiŋa indinŋ nadiyaneem. Bepaŋnik adi kudup saŋiniŋnit undiniŋ, wendi nemenemek hogohogok u dadapmalak.

Mede yokiliti

13 ¹Hidi nadisukiliti talik gineŋ menot tiŋi uyadi mu wabineenŋ. ²Me nalum buune heyemiŋa yapme iitdok gweheye mu tineenŋ. Metam nolidi me nalum heyem yapme ikam yoŋa aŋelo heyemiŋa yapme ikiŋ. ³Tiŋa nohiye yot fafaŋeniŋ gineŋ yapmeŋit aditok nadisuŋa nadiune hide wanaŋ hapmeŋit nabugoŋ tibaak. Tiŋa hide maŋ foloohiknit hatiŋi doktiŋa nohiye widihiyehitubu-figita tiŋit aditok maŋ nadisuneenŋ.

⁴Hekimalam hatihatidok nadiune nemek foloŋ hinek tubune hekimalam hatihatihik kadokoune Bepaŋ namanda foloŋ walaŋiŋ hinek hatuwaak. Kefifile tiŋi, eŋ hekimalam kikabi tiŋi adi yadi Bepaŋdi kibikoŋ yembaak. ⁵Eŋ welehiŋdi muneenŋ bombonŋdok nadigalika kisaŋ mu tiyaneenŋ. Nemek hahamuluwaak wendok nadiune tuwot tubune kulemaŋgoŋ moŋgo hatiyaneenŋ. Wapum ne indinŋ yoguk, “Nu na yadi mu bihabaat, eŋ habukabele mu tibaat.” ⁶Unduŋ doktiŋa fafaŋe tiŋa indinŋ yoyaneem,

“Wapum adi nu'walaŋ tubulodane,
Nu munta mu tiluwaat.

Nediyer manjon tinamneer ale?”

Bepaŋ’walaŋ Mede Momoon ninindidimeŋit u beŋa Jesu gut hatiyanee

⁷Hidi talitimeŋhiye Bepaŋ’walaŋ mede hanihehitubu-didime tigiŋ, aditok hatinadiyemaneer, tiŋa titiŋ didimeŋiŋ hati tiŋa kumuŋgiŋ adi’walaŋ kayoŋ-talik u kaŋ yehikeleer nadisukilitihiniŋ hatiyanee. ⁸Jesu Kilisto adi yadi hatigukdi hatilak undugoŋ hatija wooŋ hatibaak fafaŋeniŋ.

⁹Hanintubudidime mede mebimebi eŋ mede gitipmuhi hanimbune wendi welehiŋ mu tubufilaak. Welehiŋ siloŋ tobogoŋ mededi ulihiŋa fafaŋeŋ yalune kedebawaak, eŋ nanaŋe diniŋ yodoko mede mebimebidi tuwot mu nihitubu-lodawaak. Talik u kelegiŋdi folooŋ mu tubumintagiŋ. ¹⁰Indi’walaŋ alta itak, wondiniŋ nanaŋe Jesu’walaŋ dumuŋ uyadi Judahi’walaŋ titiŋ keleŋdi mu nanaŋdok yeniŋit.

¹¹Hidi agaŋ nadiiŋ, kale ula dobuŋa naŋgathik Siloŋyot diniŋ talitimeŋ wapumdi kadakanŋiŋ tumolodok Siloŋyot diniŋ Yotmaan Uŋgoŋiŋ Hinehinek maaneŋ beloune folooŋ yokwet magineŋ befooŋ kudupdi heyagiŋ. ¹²Kaŋ Jesu adi undugoŋ naŋgatŋiŋdi meeniŋ welenik tubuwalandadok yokwet diniŋ gimbaŋaŋ magineŋ nagila fooŋ ulune kumuŋguk. ¹³Unduŋ doktiŋa indi maŋ adi’walaŋkade gimbaŋaŋ magineŋ fooŋ, adi mekaguk undugoŋ indi maŋ tiyanee. ¹⁴Indiŋ nadiŋa tiyanee. Iŋoŋ yokwet waaniŋ nemu itnimilak, ala kougoŋ hatigene neeŋ mintawaak wendok nadikunakunaleeŋ woom hatiyam. ¹⁵Unduŋ doktiŋa indi Jesu wou foloŋ Bepaŋ youdihiniŋ niutumbanene wondi siloŋdok dumuŋ hemiyam tuluwaak. Biyagoŋ kuyoŋ, indi manikdi Bepaŋ nintiloŋ wou yohautaaŋ yonadifo tiyanee.

Yokahaŋ eŋ yokiliti mede

¹⁶Siloŋ eŋ kitubuloda kwanai titiŋdok haŋinda mu tiyaneeŋ. Biyagoŋ kuyoŋ, Bepaŋ adi wondegoŋ nadiune dumuŋ hemiŋ folooŋ tilak. ¹⁷Talitimeŋhiye’walaŋ mede nadiŋa nadiyembune loune mede tiloloŋ tiyemaneer. Adi yadi welehiŋ eŋ munabulihik yabu-ulidoko tiŋdi hatigene kwanaihiŋ tiŋ diniŋ mebi Bepaŋ namanda foloŋ yohautaneer. Unduŋ doktiŋa kwanaihiŋ welekedeba foloŋ tubune tuwot tibaak, bulaniŋnit tubune hidi mu hehitubu-lodawaak.

¹⁸Indi adi didimeŋiŋ hogok hatidok yogigine tiyam doktiŋa hidi inditok Bepaŋ ninadiune Bepaŋ’walaŋ namanda foloŋ kadakanŋiŋnit mokit hatiyanee. ¹⁹Tiŋa natok indiŋ hanimbulabulayelat. Bepaŋ ninadiune Wapumdi nehitubu-udaneune hidi’walaŋkade pilap uuŋdok nadikwambundalat.

²⁰Dumpa kadokome loloŋnit, Wapumnik Jesu adi naŋgatŋiŋ kwatneeŋ Yofolok Dapmadapmaŋnit Mokit tubufafaŋeune Bepaŋ Kulema Molomdi

kumun ginenej tubukaikaan tubupilakuk. ²¹Bepan kwanai u tugukdi nemenemek momohi mebimebi silon tihamuja hehitubu-lodaune mede tilolon timineej, tiya ne manjon dok nadiune tuwot tilak uye Jesu Kilisto doktiya hidi'walaŋkade tubumintawaak. Adi'walaŋkade wougigit hautanit u niutumbanene haliwoon halaak fafaŋenej. U biyagon.

²²Notneye, nu mede kweheylenej mu youhamulat. Undun doktiya hidi yokiliti mede i nadiya nadikadaka mu tinej dok hanilat. ²³Tiya hanimbe nadinej, notnik Timoti adi yot fafaŋenej ginenej agan fiyakukin, ala pilap buune nagila woon habudemee. ²⁴Talitimerhiye ej meenej nadisukilitihinit hogohogok wanaŋ haniutumbadapmalat. Italihi nadisukiliti metam adi maan haniutumbain. ²⁵Silon tobogondi hidi'walaŋkade hahamuluwaak.